

靖安縣志卷之二

建置志

觀流泉而卜宅揆日景以作宮建置之事重矣哉靖自南唐建縣聞之故老有言其城在今安福都之長坪者然紀載無徵遺蹤莫考是否姑弗深辨第就宋以來城垣廨舍下逮壇壝祠廟之屬固已規畫周詳粲然具備矣追維前哲創造之艱難一木一石莫非閭閻財力之所存後之人幸其愛護維殷乘農隙以時為補葺庶可有基弗壞不至重勞吾民也

城池

靖安縣志

卷之二

建置

一

邑治背山帶水自南唐創縣以後有城周二里莫詳所自歲久圯廢明正德六年華林寇警立寨瑪瑙崖據險劫掠縣無所禦副使吳一貫太守李承勛知縣萬士賢始命民築土城內外有池四隅有門門上有樓賴以固守董崇嘉靖有記四十一年知縣趙公輔更築磚城登之以石徙南門於縣治前遷東門於卯方北接河流西達清湖石甃層樓險固足恃高一丈七尺廣八尺周城五百丈有奇自甲子秋至乙丑冬功成吳緒督工董事工吏王應期黨正副宋文五松舒相十一宋忠十二舒茂十八舒華一萬歷五年知縣鄭煦改南門於西南隅改東門於東南隅



國朝康熙七年知縣任嘉瑞復遷南門如舊址遷東門於城
隍廟側康熙二十八年城甃殘缺將傾知縣高克藩重修
明年春霖雨灌注址門圯復修之督工典史沈誌董事耆
民徐其二吳家四舒篆五王思一雍正元年知縣黃天球
復改南門於西南隅改東門於東南隅爲今址東門係下
八都士民
捐修以乾隆二十七年知縣李紀捐廉重修顏其東門
上舊志曰紫陽西門曰德勝南門曰文明北門曰挹秀有記嘉慶三
年寧州土匪滋事邑中戒嚴知縣陳同文督同紳士修葺
六年知縣汪鍾復行修補

城濠西南北三面環繞自南迤東卽以後港爲池

靖安縣志

卷之二

建置

二

城路舊只沙泥乾隆十二年縣丞司徒宜倡修東門外沿城
道路皆甃以石有記乾隆二十六年知縣李紀倡修四門內
外石路有記嘉慶十年捐職州同邑人舒丙杜捐修城外週
圍石路邑人舒夢
蘭有記 舊志

縣城舊四門修改備詳前志道光七年知縣張兼山復改南
門於縣治前改東門於城隍廟側如舊址有記道光十五
年知縣張師吉以已塞舊南門商民不便復開通爲便民
門顏曰文明仍舊額焉今爲五門二十二年雉堞多圯知
縣佛爾國春偕紳士重修越五年知縣郝啟萼始爲記泐

石記載藝文

縣城修改不常前志言之綦備自咸豐五年及十一年兩經兵燹雉堞間有傾圮補綴繕修悉皆仍舊新修

壇廟

社稷壇俗稱北壇在縣北門外明洪武間知縣江德瑜建

國朝康熙三十一年知縣高克藩重修遵式高二尺一寸縱橫五丈四出陛各三級繚以短垣上設石主二木主二左社右稷歲以春秋仲月上戊日致祭每位帛一白磁爵三共羊一豕一釧二簋二簋二邊四豆四各官俱朝服行跪九叩首禮承祭官行三獻禮

祝文

靖安縣志

卷之二

建置

三

維神奠安九土粒食萬邦分五色以表封圻育三農而蕃稼穡恭承守土肅展明禋時居仲春敬修祀典庶九九松柏鞏磐石於無疆翼翼黍苗佐神倉於不匱

風雲雷雨山川城隍壇俗稱南壇在縣南門外明洪武八年

知縣江德瑜建

國朝康熙三十一年知縣高克藩重修遵式與社稷壇同上設石主三木主三風雲雷雨居中山川居左城隍居右歲以春秋仲月上戊日致祭儀與社稷壇同

祝文

維神贊襄天澤福佑蒼黎佐靈化以流行生成永賴垂

氣機而鼓盪溫肅攸宜磅礪高深長保安貞之吉憑依鞏
固實資捍禦之功幸民俗之殷盈仰神明之庇護恭修歲
祀正值良辰敬潔豆籩祗陳牲帛舊志

按漢唐宋風雷雨皆各壇以祭未嘗合而爲一亦未嘗及
雲明洪武二年詔風雲雷雨共爲一壇六年以風雲雷雨
山川共爲一壇八年又以城隍合祭於壇今仍之

按城隍既壇事之矣而又自廟春秋二祭則於壇朔望行
香則於廟亦於此於彼之意歟又按明洪武元年加各城
隍以封爵府曰公州曰侯縣曰伯三年又詔革去封號止
稱某府某州某縣城隍之神今仍之續志

靖安縣志

卷之二

建置

四

先農壇在南壇側雍正四年知縣黃天球建遵式高二尺一
寸縱橫四丈七尺正房三間配房二間外置籍田壹畝歲
以仲春亥日致祭帛一羊一豕一釧二簋二籩四豆
四餘與社稷壇同禮舉行耕藉禮

祝文

維 神肇興稼穡粒我蒸民頌思文之德克配彼天念率
育之功常陳時夏茲當東作咸服先疇洪惟 九五之尊
歲舉三推之典恭膺守土敢忘勞民謹奉彝章聿修祀事
惟願五風十雨嘉祥恒沐於神庥九穗雙岐上瑞頻書於

大有

舊志

先農壇詳前志雍正四年知縣黃天球修建後歷未修理舊
宇無存道光十九年署縣王蘭詳請借款流交重新修復

續志

迎春儀每歲迎春於東郊出土牛先期塑造春牛芒神前
一日各官常服迎至縣門外土牛南向芒神在東西向
立春日早陳設香燭酒果各官俱朝服序立禮生贊奠
酒班首官奠酒三爵贊讀祝讀畢贊行一跪三叩首禮
祭畢鼻土牛芒神用香亭鼓樂前導各官朝服後隨至
東郊各官執綵仗立土牛兩旁禮生贊擊鼓樂工播鼓
贊鞭春各官環鞭土牛三禮畢退

靖安縣志

卷之二

禮置

五

祝文

惟神職司五穀恩育二農今屆首春合修祀事伏冀
神庥廣庇年穀順成

耕藉儀每歲耕藉之日祭

先農壇畢各官俱更鱗袍補服正印官秉耒佐貳執耒箱播
種耕時用耆老一人牽牛農夫二人扶犁引各官至耕
藉位南向立禮生贊進耒耜正印官右手秉耒贊進耒
正印官左手持鞭行耕藉禮九推九返農夫終畝耕畢
率耆老農夫望

闕行三跪九叩首禮禮畢退其農具用赤色牛用黑色箱用

青巴所盛籽種悉從各處土宜

耕藉三十六禾詞

光華日月開青陽房星晨正呈農祥帝念民依重耕桑
肇新千藉考典章吉蠲元辰時日良蒼龍鑿輅臨天闈
青壇峙立西南方犧牲簠簋升芬芳皇心祇敬天容莊
黃幕致禮虔誠將禮成移蹕天田旁土膏沃若春洋洋
黛犁行地牛服韉司農種桂盛青箱洪縻在手絲鞭揚
率先稼穡爲民倡三推一墾制有常五推九推數遞詳
王公卿尹咸贊襄甸人千耦列雁行耰鋤既畢恩澤滂
自天集福多豐穰來牟蔞蔞森紫芒華薊赤甲秬稗秭

靖安縣志

卷之二

建置

六

秬秠三種黎白黃稷粟堅好碩且香糜芑大穗盈尺長
五菽五豆充壠塲稼粢糜聚九色糧蜀秫玉黍兼東廩
烏木同收除童梁雙岐合穎遍理疆千箱萬斛收神倉
四時順序百穀昌八區九有富蓋載歡騰億兆感聖皇
雩壇無專地歲以孟夏十八日舉行常雩之禮卽於先農壇
行禮並合祀社稷山川諸神陳設祭儀與先農壇同

祝文

恭膺 詔命撫育羣黎仰體 彤庭保赤之誠勤農勸稼
俯維蒞蒞資生之本力穡服田令甲爰頌肅舉祈年之典
惟寅將事用申守土之忱黍稷惟馨尙冀明昭之受賜來

牟率育庶俾豐裕於蓋藏

旱雩儀地方遇有亢旱恭行旱雩之禮各官齋戒禁止屠宰初次在山川壇祈禱陳設鼓樂其祭品及祀儀俱照每歲致祭山川壇之例至七日如未獲雨再於社稷壇祈禱陳設鼓樂其祭品及祀儀俱照每歲致祭社稷壇之例雨降行報祭禮儀同

崇祭儀地方遇有霖潦為災恭行崇祭之禮各官擇日齋戒禁止屠宰用午時於南門水集最湧之處南向設城門神位望祭其陳設不用牲幣惟陳酒脯籩豆之屬儀用小祀祭畢聚眾擊鼓凡三百三十為一通連擊數十

靖安縣志

卷之二

禮置

七

通而退此後每日擊鼓如數至七日未晴仍致祭如前俟晴行報祭禮儀同

祝文

詔命臨民職司守土惟兆人之攸賴並藉神功冀四序之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流行俾無苗害

附救護儀凡遇日食各官俱集縣堂設香案於露臺金鼓列儀門樂人列臺下拜位列露臺上俱向日陰陽生報日初虧各官俱朝服序立樂作禮生贊行三跪九叩首禮

樂止班首官上香擊鼓三聲眾鼓齊鳴各官俱暫起立以後報食甚報生光上香行禮並同報復圓鼓聲止樂作禮生贊行三跪九叩首禮禮畢退月食儀同謹案乾隆四十七年奉部文日月食救護俱改用素服行禮

邑厲壇在縣址門外錦橋之左明洪武間知縣衡守敬建

國朝因之

計地壹畝壹分陸釐東至牆西至店屋南至港北至牆

舊志

歲以清明中元十

月朔日三次致祭前期有司移牒城隍之神祭日奉城隍神主於壇正中南向用羊三豕三飯米三石香燭酒紙隨用分祀無祀鬼於壇下

靖安縣志

卷之二

建置

八

里社壇二十一所 府志載久廢無存

鄉厲壇十六所

下安福都一所

在縣北十五里河广計地捌分壹釐東至圳西至張田南至大路北至趙田

追里都一所

在縣東三十里西莊計地二分東西南皆至田北至圳熊仙都一所

在縣東二十五里棠港保大墳坪計地壹畝叁分玖釐東至任氏祠南至任憲雄墳地西至任上得地北至熊

廷地

大梓都一所

在縣北四十里宋坊黃板橋上計地一畝二分五釐東至小港南至路西至路北至余田

礫坑都一所

在縣西北八十里茅田埠計地二分六釐四至俱陳山南源都一所

在縣西一百里白沙坪山岡計地三畝七分五釐東南西俱全田址至橫路

忠夏都一所

靖安縣志

卷之二

建置

九

在縣西八十里塘埠橫板橋計地四分二釐東至舒田南至路西至塹北至舒田

東江都一所

在縣南十五里鄧家埠計地五分八釐東西南俱至王姓田北至路

盆田都一所

在縣西十五里沙港橋上計地三分三釐東至應姓墳地南至路西至大路北至范姓地

棠棣都一所

在縣西三十里馬岡上計地三分五釐東至羅家嘴南

西北俱至黃姓田

新興都一所

在縣西三十里黃田店前村計地二畝五分東至鄧田南至舒田西至熊田北至鄧田

富仁都一所

在縣西五十里亘田村計地二分一釐東至大路南至舒山西至山北至舒田

夏陂都一所

在縣南十八里瓦橋下邊團腦山上計地叁分東至軟坳南至胡山西至陳墳北至潛山

靖安縣志

卷之二

建置

十

石馬都一所

在縣西清鋤橋左計地七分東至港南至塹西至謀姓地北至地

象湖都一所

上安福都一所

在縣北雙林寺側計地三分四至俱田

案舊志云鄉厲壇舊有二十九所僅考得十六所悉加勘丈惟象湖一所未丈茲照舊載

古關帝廟在縣北門內洪家巷明洪武二十八年知縣高彥才建景泰五年知縣張羽重修嗣後修葺無考今存

關帝廟在古廟前今 上諭亭右側雍正三年知縣黃天球
建乾隆年間署縣黑夏時重修歲以春秋仲月上戊日及
五月十三誕日致祭陳設與文廟正位同各官俱朝服行
三跪九叩首禮承祭官行三獻禮

關帝廟前志載在 上諭亭右側道光十七年知縣林漢喬
重修 有記 廟後爲

先代殿道光十三年知縣張帥吉重修祀儀並詳前志

關帝廟前志載在 上諭亭右側及

先代殿均經咸豐十一年兵燹燬廢今俱待建

祀儀

靖安縣志

卷之二

建置

十一

謹按關帝封號迭經奉 旨加封忠義神武靈佑仁勇威

顯字樣咸豐二年三年兩次奉 旨加封護國保民字樣

咸豐六年加封精誠現今關帝神牌敬謹書寫

忠義神武靈佑仁勇威顯護國保民精誠關聖帝君字樣供
奉

咸豐三年禮臣具奏奉 旨升入中祀典禮一切悉照中

祀例舉行擴充廟制增設祭器春秋致祭改用八佾其樂
舞生准由俊秀報捐造冊報部發給執照

祝文 遵咸豐三年頒行

惟 神星日英靈乾坤正氣允文允武紹聖學於千秋至

大至剛顯 神威於六合仰聲靈之赫濯崇典禮於馨香
茲當仲春仲秋用昭時饗惟祈昭格克鑒精虔

五月十三誕日告祭祝文

遵咸豐三二年頒行

維 神九宇承庥兩儀合饌崧生嶽降湖誕聖之靈辰日
午天中屆恢台之令序聰明正直一者也千秋徵肝蟹之
隆盛德大業至矣哉六幕肅馨香之薦爰循懋典式展明
禋必芬時陳精誠鑒格

關帝先代殿在廟後祀帝

曾祖光昭公

祖裕昌公

靖安縣志

卷之二

建置

十二

父成忠公同日致祭不用牛籩豆各八各官行二跪六叩首
禮餘與前殿同

祝文

維 公世澤貽庥靈源積慶德能昌後篤生神武之英善
則歸親宜享尊崇之報列上公之封爵 錫命優隆合三
世以肇禋典章明備恭逢諏吉祇事薦馨

文昌宮原在北門舊書院內嘉慶十七年書院移建於天澤
池之東正中爲文昌宮歲以二月初三日秋祭另擇吉致

祭禮與關廟同 舊志

文昌宮在雙溪書院正中西向前爲三門左右爲兩廊道光

二十七年復於廊下墀內增建兩亭以爲祭祀拜獻之地
自是臨祭無頗倚焉續志

文昌宮前志載在雙溪書院正中宮右爲

先代殿自道光二十七年增建兩亭左右兩廊規模宏敞咸
豐十一年兵燹折毀至同治六年知縣陶黼昌集紳士重
修復舊制

祀儀

謹按咸豐六年奉文現在

關聖帝君已升中祀

文昌帝君應一體升入中祀以昭誠敬春秋二祭及二月初

靖安縣志

卷之二

禮置

十三

三誕日告祭一切禮典樂舞六佾均照中祀一體辦理

春秋二祭祝文

維 神道闡苞符性敦孝友並行並育德侔天地以同流
乃聖乃神教炳日星而大顯仰鑒觀之有赫示明德之惟
馨茲當仲春秋用昭時享惟祈歆格克鑒精虔

二月初三誕日告祭祝文

維 神功參橐籥撰合乾坤溯誕降之靈辰三台紀瑞度
中和之令節九宇承暉若日月之有光明闡大文於孝友
如天地無不覆載感至治於馨香爰舉上儀敬陳芳薦精

禮罔斁

神鑒式臨

文昌先代殿在宮之右祀文昌

三代共一木主同日致祭禮與關廟後殿同

祝文

祭引先河之義禮崇反本之思矧夫世德彌光延賞斯及
祥鍾紫代炯列宿之精靈化被千秋緯人文之主宰是尊
後殿用答前庥茲值仲春肅將時事用申告潔神其格歆
文昌先代殿二月初三日告祭祝文

維文昌帝君道備中和神超亭毒稟詒謀而允紹欽毓
聖之有基雲漢昭回際嶽降崧生之會馨香感格興水源
木本之思式肇明禋用光彝典尚祈神鑒享此清芬

靖安縣志

卷之二

建置

十四

附香燈祀奉田租

一道光六年邑紳士聯敬信會捐送田拾六畝五分

土名麥園裡 雙林寺首 寺坪通子里 其中田拾

六畝五分

此項額收鄉斛租穀三十二石五斗

外基地一塊 荒地一塊 蔭塘一口

一道光六年夏陂都議叙八品閔中鴻遵父京璜遺命捐

送田八畝五分

土名廻溪馬腦上橋頭裡上田七畝一號 魯桶坑大

山裡中田一畝五分 壹號

此項共額收鄉斛租穀二十一石五斗

以上共租穀五十四石俱付住持僧爲看管奉香併敬

拾字紙之費

道光十六年奉文建廟祀

劉猛將軍每春秋守土官具祝文隨時撰擬香帛羊一豕一尊一

爵三儀節行二跪六叩首禮廟內恭懸道光四年

御頒神參秉畀匾額靖安初未立廟知縣陳芝齡議請祀於

義倉道光二十八年建廟於文昌先代殿後

謹案雍正二年各直省府州縣通行建廟致祭道光四年

兩江總督陶澍因捕蝗禱神一日全盡奏請修廟十六

靖安縣志

卷之二

建置

十五

年江省大蝗巡撫陳鑾復札飭催祀

又案降靈錄神名永忠吳川人元末授指揮使弱冠臨

戎兵不血刃羣盜鼠竄適江淮千里飛蝗蔽天神揮劍逐

之須臾蝗飛境外後因鼎革自沉於河有司奏請崇祀

劉猛將軍自道光二十八年建廟於文昌宮先代殿後經咸

豐十一年兵燹折毀同治六年知縣陶黼昌集紳士重修

仍舊址

謹按咸豐七年禮部奏劉猛將軍爲驅蝗正神廟祀有年

尚無封號奉

旨加封保康同治四年伊犁蝗不爲災奏請奉

旨加封普佑

城隍廟在縣治東門內舊在城外元季燬於兵前明洪武三年知縣衡守敬重建正統七年知縣金文英景泰三年知縣張羽成化十八年知縣劉芳嘉靖二十三年知縣史載澤陸續修葺嘉靖四十二年知縣趙公輔修築磚城始改

遷今址

國朝康熙十三年毀知縣林鍾新之二十八年復圯知縣高克藩重修計地二畝八分五釐乾隆十四年邑人重修有零并節孝祠地在

內東至城牆西至營房及路南至學宮空地北至舒姓公地舊志後知縣張龍占許翌遞

經補葺嘉慶十六年知縣馬廷燮以修儒學餘存公項復

靖安縣志

卷之二

雜置

十六

行修理每歲春秋二仲合祀於山川壇內并享祭於厲壇儀並見前

城隍廟在縣治東門內經咸豐十一年兵燹毀於同治九年知縣徐家瀛倡捐集費重建

祀儀詳前志

謹按城隍廟舊有田租付住持僧經理亂後散失知縣徐家瀛銳意興修并為之清理業產擇住持僧奉祀

附香燈奉祀田租

一道光年間邑紳士張立誠捐送田九畝

土名廻溪堡回龍庵門首

此項額收鄉斛租穀三十一石一斛

一道光年間邑紳士聯香燈會捐送田租

土名黃龍墩

此項額收鄉斛租穀二十四石

一道光年間邑紳士余立中捐送田租

土名紅山白石裡

此項額收鄉斛租穀二十石

以上城隍廟田租七十五石一斛前志未知何以遺漏未載經今清理仍付住持僧經營

况太守祠祀明蘇州知府况鍾雍正二年知縣黃天球荆建

靖安縣志

卷之二

建置

十七

於儒學前其裔孫捐資董事乾隆九年署縣沈顯文又率其裔孫遷於儒學左側爲今址

懷功祠在城隍廟右祀明副使吳一貫知府李承勛以平瑪噶崖賊之功正德六年耆民舒模等建久廢

案趙志已云歲久祠毀居民私佃公輔查出給還佃價祠地入官時趙公修砌磚城圍城隍廟於城內其地歸人何處無跡可尋高志圖附城下想應不遠明德難諉尚當續建原跋

遺愛祠在縣治東街舊名葉應二侯祠祀明知縣葉重光應

汝稼

應公本有專祠後比康熙三十一年合祀雍正三年於此雍正二年以其地改建忠義孝弟祠

知縣黃天球重修改今名乾隆六年徐姓重修十五年知縣馮渠清查勘丈祠宇今存 案省府志俱作二令祠

義烈祠在縣西六十里忠夏都塘埠堡祀咸豐六年殉難士民婦女等於同治二年建知縣丁世培有記

賢尹祠在縣署東觀光集東徧咸豐三年建祀知縣熙恬

元壇廟俗稱趙公廟在縣南門外明洪武二十八年知縣高彥才建景泰五年知縣張羽率里人重修嘉靖二十四年知縣趙公輔清查丈量 計地東西十三丈前橫八丈南北十三丈五尺 舊志

靖安縣志

卷之二

建置

十八

昭靈祠在縣西門外金沙洲祀楚三閭大夫屈原附祀張晏蕭楊諸水神俗稱晏公廟

孚澤祠在縣北門河隄上祀漢高密元侯鄧禹好時愍侯耿弇自元以前創建元至正二十二年廟毀明初縣丞游志道復建正統九年知縣金文英率里人修之

聖堂廟在縣西門外祀許真君及馬明王明萬歷年間建

小城隍廟在縣東門外迤北城根相傳神祀明知府李承勛四聖祠在縣市中街務前角其巷即以四聖得名

顯福祠原名五顯在縣市中街明洪武年間建嘉靖時知縣史載澤修之

庫神祠一在縣署大堂東俗稱東庫殿一在縣丞署左俗稱華光廟

藥王廟在縣東門外康熙三十七年知縣毛駟建五十五年知縣李作仁重修

萬壽宮祀許真君在藥王廟右乾隆五十六年藥王廟住持僧修如募化增建 道光二十一年重修

案許真君廟各邑俱稱萬壽宮蓋緣省垣鐵柱觀明嘉靖間賜額妙濟萬壽宮

文仙廟祀文蕭在縣西二十里盆田都祈雨有應
順應廟原名感古廟在縣東二里香田祀吳建昌都尉太史

靖安縣志

卷之二

建置

十九

慈慈拒劉表從子磐有功嘗駐兵於靖故土人祀之廟前有古井

明王廟在縣西三十里新興都距高湖橋二百步

劉公廟在縣西門外石磯頭相傳神祀蜀漢北地王謏次子
道光元年闔邑公建

令公廟在縣西北三里石馬都

天花宮在萬壽宮右 謏母閣在天花宮後均二十一年建
公廨

上諭亭在縣北門內本明布政分司行署正統八年縣丞王榮荆建成化二十一年知縣劉芳宏治十八年知縣張伯

祥嘉靖年間知縣方均主簿徐漢先後修葺後廢

國朝康熙三十二年知縣高克藩以其地建義學名有造堂
乾隆十四年知縣馮渠改爲雙溪書院嘉慶七年知縣汪
鍾遷書院於法藥寺之右道光元年知縣張國鈞卽其地
倡捐建此爲各官朝賀之所有記
慶賀儀每歲恭遇

萬壽聖節文武各官俱衣朝服至

上諭亭設香案通贊贊排班文東武西分班序立通贊贊行
三跪九叩首禮散班皆退前後三日俱蟒服元旦長至
儀同

靖安縣志

卷之二

建置

二十

開讀儀恭遇

詔書至文武各官俱衣朝服具龍亭黃蓋儀仗鼓樂出郭跪
迎齋

詔官奉至龍亭內儀仗導行各官皆乘馬從至

上諭亭陳於堂上正中通贊贊排班禮生引各官就階下拜
位文東武西北面序立如朝賀儀通贊贊跪眾咸跪宣
讀生恭奉

詔書西面宣讀訖通贊贊行三跪九叩首禮禮畢膳黃頒行
講約儀每月朔望各官及鄉紳士民齊集至
上諭亭庭中設

上諭龍牌南向下設講臺北向各官及鄉紳排班行三跪九叩首禮畢贊禮生贊分班聽講各官及鄉紳分東西席地坐士民在階陞立聽贊禮生贊恭請開講鄉約登壇宣讀

聖諭十六條目畢宣講生宣講各條演義講畢皆退其各鄉村或遣教官分往集講或該鄉紳衿里老隨時集講如式舉行

附

邑令蒞任儀前一日齋戒宿於縣之城隍廟凌晨陳設牲醴祭告於

靖安縣志

卷之二

建置

二十一

城隍神行二跪六叩首禮遂詣縣署祭儀門禮畢設香案於露臺東北嚮具朝服謝

恩行三跪九叩首禮易服行拜叩禮四拜興升坐受叅見署文案發放畢退至二日後行香巡城視學諸務以次舉行

朔望儀每月朔望日黎明各官俱詣

文廟

關帝廟

文昌宮上香行三跪九叩首禮次詣

城隍廟上香行二跪六叩首禮

開封印信儀凡開封印信日設香案東北嚮謝

恩行三跪九叩首禮

縣署在今南門內迤東建於南唐宋紹興間縣令黃宗諤於
廳事後翔製錦堂及幽谷百花二亭後令楊億治尉圃得
晉南豐幽谷詩碑用其語構水木清華亭明洪武二年知
縣衡守勸因舊制翔公堂幕舍譙樓戒石亭及左右吏舍
十三年知縣朱宗晦作尊美堂於後廳之左有正統八年
知縣金文英重建公堂幕舍成化十六年知縣劉芳增建
正廳五間川堂三間後堂三間後堂顏曰復思宏治十六
年知縣張伯祥建儀門門左立土地堂正德初知縣蕭瑞

靖安縣志

卷之二

建置

二十二

建後堂五間并砌石庫六年公堂燬於寇七年知縣萬士
賢復建嘉靖元年知縣葉金撤而新之正中爲牧愛堂後
爲居仁由義堂三十四年知縣周麟重建後堂三間曰思
審堂三十九年主簿黃應徵重修大堂顏曰公正廉明易
戒石亭以石四十一年知縣趙公輔增置吏舍十間廳事
後建慎思堂有崇禎五年知縣章鳴謙顏大堂曰君子堂
國朝康熙七年知縣任嘉瑞增修後樓三間十三年知縣陳
舜印更戒石亭爲木坊二十五年知縣鍾芝豫易君子堂
額於後堂顏大堂曰端本二十七年君子堂圯知縣高克
藩重修并建後樂亭有改建土地祠於賓館之右置羈候

所於儀門之西五十三年知縣李作仁重修後堂顏曰忠恕易後樂亭爲望雲亭乾隆十四年知縣馮渠重修大堂增建書廳三間曰棠蔭軒改建望雲亭爲枕繡亭十七年署縣朱堂修葺縣治內外添設木柵於頭門之外有二十八年知縣李紀倡捐重修有三十九年知縣鄒朝陽借項修理嘉慶十六年知縣馬廷燮攤廉重修舊志縣署屢次修葺前志具詳自嘉慶十六年知縣馬廷燮攤廉重修後至道光十五年知縣張帥吉攤廉重修添建任屋書房幕舍門厨十九年知縣王蘭修整兩旁吏舍二十六

年知縣佛爾國春攤廉重修二堂添建任屋花廳

靖安縣志

卷之二

雜置

二十三

儒學署詳學校

縣丞署在縣署之左舊置無考康熙七年因按察分司行署遺址創建廳堂內宅各一重堂外左右建漕米倉二十厥乾隆四十六年縣丞陳樹華借項修理嘉慶八年縣丞修廣仁捐俸重修

縣丞署自嘉慶八年縣丞修廣仁捐俸重修後道光十三年縣丞諸肇棠借項修理二十年又借項修理廳事前舊本有戒石亭遺址道光二十五年縣丞宋長華捐俸重建木坊顏其額曰水木清華亭

典史署在縣堂之左建置年月無考乾隆四十四年典史曹

廷棟借項修理

監獄在縣堂儀門西嘉慶十四年請項修理後道光二十八年知縣祁啟萼詳請攤廉重修葺治牆垣添設獄房飯所

續志

陰陽學二所久圯

一在縣左南向屋三間東至學署西至余相十地南至街址至學署地前橫壹丈玖尺後橫

壹丈捌尺道貳丈陸尺舊志

一在縣右北向屋壹間東至舒姓地西至錢姓地地至舒姓地橫柒尺道壹丈捌尺舊志

醫學在縣西一百步本明惠民藥局所改前屋三間後屋二

間久圯東至龔姓地南至舒姓地西至錢姓地地至街舊志

靖安縣志

卷之二

建置

二十四

僧會司舊無公所

道會司舊無公所

旌善申明二亭舊在縣屏牆前康熙四十八年署任通判薛

袞重建乾隆二年知縣孫濂重修十七年署縣朱堂遷屏

牆於亭前

按察分司行署本元尉司故址在縣治東明洪武二年知縣

衡守敬朔建成化二十年知縣劉芳宏治間知縣張伯祥

正德時知縣蕭瑞嘉靖二十八年王簿黃應徵四十一年

知縣趙公輔相繼修葺後廢

國朝康熙七年即其地改爲丞署有餘地一間明季給余堂

佃居供辦儒學諸生歲科試卷 舊志

府館距縣一百步計地九分五釐遺基存 東至徐姓屋基西至陰陽學地南至

陳姓地南至大街 舊志

招賢公館在南源都朱坊廢基改為田五丈八尺橫柴丈柴尺成熟田柴分肆釐肆毫

東至王姓田西至王姓田南至涂姓田北至朱坊茅山

長亨公館在縣西五十里礫坑都為武寧驛道廢基計地若

干 舊志

主簿舊署在縣解之左久廢

訓導舊署在縣丞署左本范馬兩公講堂康熙四十六年訓

靖安縣志

卷之二

建置

二十五

導柳章燧改建為署額曰范馬流芳乾隆年間移署於學宮之右門額屋址俱存

案舊志范馬兩公未載其名考職官志前明訓導有馬晉馬化時范思聰想其講學處也

稅課局在縣北廣惠坊側前廳後庫各三間明洪武二年知

縣衡守敬復創入解於四聖廟側正統間因課額短少裁

革久圯 舊志

接官亭在縣東先農壇前廢基改為田先農壇庵管業 舊志

考棚

靖安縣試考校即在縣署中風雨囂塵多不便於士子道光

二十二年知縣佛爾國春倡率紳士於儒學明倫堂北迤西尊經閣義倉遺址拓地創修考棚顏曰校士館其東爲義倉西鄰法藥寺又西爲書院詳見圖說二十七年知縣祁啟萼補記泐石記載藝文

寺觀

青牛望氣之壇白馬馱經之社琳宮梵宇雖藉仙擇而傳而勝蹟昭垂亦足以資詩裁畫景若夫檀越布施概不濫及蓋亦非專爲伽藍作記耳臚列於左以備輶軒

雙林寺在縣北五里繡谷山下東晉西域沙門竺曇過之愛

靖安縣志

卷之二

建置

二十六

其山水似西天婆羅雙林間如來說法之地遂開山居焉

唐柳公權書門扁曰大中雙林禪寺舊志

延慶寺在縣西北八十里忠夏都梁天監中建宋紹聖間僧

子忠刻華嚴像黃庭堅爲之頌云巧工能畫諸佛像十方

三界惟心造明洪武初僧道泰復興舊志

寶峯寺初名泐潭寺在縣北四十里大梓都石門山唐貞元

四年馬祖藏塔於此因改名有權德輿碑後有選佛堂藕

潭釣磯晁旒山諸勝宋知洪州張商英有選佛堂記舊志

案寶峯寺爲靖邑第一名刹本朝僧玉山子輯有石

門山志板漣漫多難辨識體例亦未盡合聞前本有志

不可得見今繪圖於卷首亦可畧窺一斑矣

龍門寺原名暇僧寺在縣西北八十里忠夏都唐馬祖開山於此其地花香泉冽可以避暑故名明洪武初僧法寶重

建崇禎間僧法璽始改今名

舊志

法藥寺原名法藥院在縣東二百步唐貞元中祖馬來遊時縣多疫於寺後鑿井置藥井中飲者無不獲愈故以此得名宋乾道中僧異中重建元末燬明洪武四年僧妙住復興正統五年僧永海智超新佛像增建鐘鼓樓邑令朝賀習儀於此知縣張伯祥額曰雙溪福地井一成額曰第一山嘉靖中僧淨寰德旺重修崇禎間廢

靖安縣志

卷之二

建置

二十七

國朝康熙八年僧百拙重建殿宇

舊志

嘉慶二十二年復新

雲陽寺在縣西九十里南源都創自唐時明嘉靖間僧惠然重建萬曆三十七年僧迴波重修寺僧東旭別剏天壽庵

舊志

黃龍寺宋時名定明院在縣南五里許元季燬於兵明正統

甲子僧永海建邑人舒文輝有句云十里峯巒排俎豆四

時鐘鼓藉禪林

舊志

案舒平叔募修定明院疏即已稱為古寺則此寺之剏建當在宋以前

曹溪寺在縣北二十里大梓都六祖曾建茅庵於此故名明

萬曆十八年僧中庵重建

國朝順治九年僧印明建觀音殿雍正六年僧東山重修舊志

九仙寺在縣西一百里南源都明永樂九年建界奉新舊志

金沙寺在縣城四半里金沙洲明萬曆二十年僧性朗建

國朝康熙五十四年水衝圯僧若愚移建於洲中北壇側今

廢

般若寺在象湖都久廢

安聖寺在富仁都古港

佑聖寺在棠棣都久廢

長靈寺在縣北二十里熊仙都康熙十年僧宏旭建

靖安縣志

卷之二

建置

二十八

西傳寺在縣北四十里大梓都明崇禎十一年僧道寶建

國朝雍正元年僧法純重修俱舊志

善法院在縣東十一里東江都初名西林宋祥符二年改今

額自康熙三十八年邑人項伯箴捐田地山塘四十餘畝
移建善山同治二年項中沐捐貲重修

國朝順治九年僧貞白重修

寶月院在縣北三十里象湖都創自唐時明景泰癸酉重建

已廢

報身院在縣西八十里南源都創自宋時明正統間僧本然

重建久廢

善業院在縣東北二十五里追里都俱舊志

書堂庵一名雲峯寺在縣西三十里新興都唐馬祖建明正
統間僧永海重修前有虎跡石後有觀音崖宋舒公平明
王文成與舒柏並講學於此文成有萬花幽谷春風足孤
月山牕夜氣虛之句邑人士多下榻於此正德庚午燬僧
明淨復建舊志

案此則王陽明曾至靖邑矣今其楹帖猶存

馴龍庵在縣南半里康熙十四年僧若曇建舊志

護龍庵距縣半里明萬曆己酉僧機緣建壬戌僧月林增建
觀音堂南昌舒曰敬顏曰續開蓮社舊志今廢

太平庵在縣西五十里富仁都明萬曆間僧性朗建南有鶯

靖安縣志

卷之二

建置

二十九

崖西有講經堂東有菩提場雲麓塲崇禎十七年僧普春
重興舊志

古田庵在縣南十里東江都僧南山結廬於此明萬曆元年
僧秀峯建

國朝康熙六年僧德球重修

青蓮庵在縣西二十里棠棣都明崇禎九年僧明虛建

躍龍庵在縣東南十里夏陂都明崇禎二年僧素白建

長坑庵一名湧泉山在縣西北六十里礪坑都明萬曆十二

年僧慈義重修二十七年僧瑞雲募建茶庵俱舊志

金華庵一名箬坪庵在縣西七十里南源都明萬曆間僧天

衢建

國朝康熙三十年僧廣慈重修舊志乾隆二十五年僧徹機重修

永慶庵在縣北二十里熊仙都明崇禎七年僧隆文建

虬龍庵在縣南十里東江都明崇禎十二年僧若曇建

古靈庵在縣西六十里忠夏都

仙峯庵在縣西北六十里塘埠明隆慶二年僧惠空建

國朝康熙十六年僧穎悟重修咸豐十一年本寺僧重建

石霞庵在縣北二十里熊仙都

上林庵在縣西三里麻都明成化十六年僧普圓建

靖安縣志

卷之二

建置

三十

天福庵在縣南十八里夏陂都

國朝康熙十年僧中印建

解橋庵在縣南十里夏陂都明萬曆間僧大海建

國朝康熙十六年僧雲際重修改名福裕寺

天竺庵在縣西八十里南源都明宏治間僧檀空建俱舊志

尋仙庵在縣西南源都龍頭坳白雲峯下

雲雷庵在縣西棠棣都明正德年間僧淨心建

香象庵在縣西南源都當歸湖

黃茅嶺庵在縣西六十里忠夏都

鳴鳳庵在縣西三十五里棠棣都桃源白水洞口洞距庵二

里許有泉最靈祈雨輒應置有田畝以資行人茶水乾隆
癸丑年庵與田俱被水衝廢後僧遷建于熊姓對門山
傳薪庵在山口黃泥坑

柏木庵在北石馬

毓秀庵在縣南石馬八里 同治八年僧勝初重建

木華車觀在縣西門外半里晉女冠劉懿真上昇處因留寶
木華車故名一名劉仙觀宋治平間改棲霞觀今仍復舊
名僧人任持

崇元觀在縣西四十里棠棣都葛仙山之西舊名甘仙觀本
甘真人故宅師事許旌陽大康元年正月六日飛昇觀久

靖安縣志

卷之二

建置

三十一

廢宋袁陟有詩舊志

案高志誤分崇元甘仙爲二據趙志改正原跋

登真觀在縣西二十五里盆田都晉許旌陽逐蛟過此有試
劍石遺跡

凝禧觀在縣北十里熊仙都周顯德元年建明洪武初道士
馬文元重建今僧任持

集仙觀在縣西一百餘里忠夏都永樂九年建久圯
壽華庵原名甯壽在縣北門外尼僧任持

福清庵在縣西門外壩上尼僧任持

延慶寺見前志道光十六年僧鏡如重修

智頂庵或作志即前志黃茅嶺庵旁有施茶亭久圯今重建

知縣林漢喬有記記載藝文

安聖寺前志在富仁都古港道光年間移建亘田鷓鴣洲

華峰禪院在縣西二十五里棠棣都續補

陽回庵在縣西二十五里新興都道光十九年僧宏明重修

桂香庵在縣西十五里熊仙都新增

來鶴觀在縣北二十五里羨門鄉前志輿地志注載在中幹

山天香崖下

圓藤寺在縣西八十里礪都同治八年本堡集費重建新增

毘盧庵在縣東十里東江都本堡涂姓公建新增

靖安縣志

卷之二

建置

三十二

坊表

文明坊在縣南三百步宋紹興五年爲進士胡敦實立

案舊志載爲舉人胡敦實立敦實乃紹興五年進士特爲更正

禮賢坊在縣西大街中宋淳熙八年爲進士舒邦佐立今爲

舒氏祠

進士坊

一在縣西百步宋景定三年爲進士舒棻立後裔重修今存

一在縣西永樂間爲進士胡恭立嘉靖四十一年其孫胡瑞重建

一在縣西百步爲進士舒勣立

一在縣東二百步爲進士舒玠立

攀桂坊在儒學前元至正十年爲解元胡斗元立

德勝坊在縣西二百步爲姚狀元立狀元之名舊無可考

登瀛坊在縣西五里石馬都明永樂間爲進士李重立

步雲坊在縣東半里明永樂間爲舉人洪範立

雲梯坊在縣東三里明正統間知縣周鼎爲舉人余泰立

造士坊在縣南成化間爲京畿道御史舒忠立後裔重修今存

父子登科坊在縣西三十五里新興都知縣葉金爲舉人陳

恩陳道父子立

文元坊在縣署後爲舉人羅畧立

靖安縣志

卷之二

建置

三十三

上貴坊在縣治西二百步爲知縣衡守敬立

都憲坊在縣西百步爲御史熊偉立

鍾秀坊在縣南十里知縣劉芳爲員外郎陳謨立

司寇坊在縣西三十里新興都知縣葉轍爲員外郎舒柏立

牙憲坊在縣北廿里熊仙都詹坊爲河南按察使趙文同立

龍恩坊在縣西桃源萬曆元年爲泗州州同漆時霖立

旌孝坊在縣北二百步元至正間爲孝子朱仁二立

旌義坊在縣北三十里追里都明正德元年知縣張伯祥爲

義民杜世文立

廣惠坊在縣治西二百步

宣仁坊在縣西三十步正統元年立

積慶坊在縣治南百步

令德坊在東江都正統七年知縣金文英爲義民甘庭濟立
錦橋坊在縣治北百步明正統八年立

肅政坊在北門內明正統九年立成化間知縣張鵬重立更
爲澄清坊

好善樂施坊在西門內百家鎮嘉慶十八年爲捐職州同舒
際昌立

世宦第在縣東馬草湖明巡按李清爲湖廣岳州府通判頂
璧雲南右衛經歷項諤魯府教授項管立

靖安縣志

卷之二

建置

三十四

大夫第在縣西螺地爲維摩州知州舒本立立

京侯第在廻溪爲上元知縣陳文立

冬官第在縣西爲工部主事塗斗鎮立

世大夫第在西外大街爲奉直大夫廩貢生舒青奉直大夫
揀選知縣舒亮裘中憲大夫四川威遠縣知縣舒亮裘立

文林第

一在縣東北熊仙都雲嶺爲明山西榮河知縣趙瑞立

一在縣南五里東江都黃龍墩爲浙江慈谿知縣甘雨立

一在西門外大街爲河南林縣知縣涂玠立

一在西門外大街爲廣東南海縣知縣涂基立

一在北門內大街爲江南奉賢縣知縣舒慕芬立

郎官第在丞署東爲山東齊東縣知縣徐湧立舊遺今補

太史第在西門外清湖港繫馬莊道光八年爲前翰林院庶

吉士舒恭受立

中憲第在南門外大街西程家巷道光二十六年爲浙江督

糧道舒化民立

百歲坊

一在迨里都遼源道光十一年爲敕贈修職郎劉繼向妻

涂氏立

一在雙溪書院右側道光十五年爲原任直隸榆關巡檢

靖安縣志 卷之二 建置 三十五

舒英妻胡氏立

一在盆田都十二源道光二十二年爲從九品李博盛妻

游氏立

雙節坊

一在富仁都萬坊明嘉靖二十四年爲舒綱妻宋氏舒沐

妻余氏立

一在棠棣都桃源鶴嶺瑕乾隆二年爲儒生漆鳳翔妻徐

氏漆鳳來妻舒氏同立

雙節坊在縣西三十里高湖橋頭道光二十五年爲邑庠生

熊啟鵬繼妻黎氏儒童熊求傅妻舒氏同立

節孝坊

- 一在北門內大街康熙四十五年爲生員舒熾妻廖氏立
- 一在西門外大街雍正二年爲生員涂璋妻舒氏立
- 一在西門外塘上大街乾隆元年爲廩膳生員舒運璉妻宋氏立

一在西門內大街爲生員舒斯奇妻余氏立

一在西門外塘下街爲舒時俊妻劉氏立

- 一在棠棣都桃源後殿乾隆三年爲生員漆學遜妻舒氏立

一在西門外昭靈祠側乾隆四年爲生員涂進妻余氏立

靖安縣志

卷之二

建置

三十六

一在西門內務前角爲應大德妻周氏立

一在夏陂都草坪爲蕭斯鳳妻舒氏立

一在追里都西岡爲徐廣文妻涂氏立

一在熊仙都慶源里爲涂星熉妻李氏立

一在南源都龍邱乾隆十一年爲生員曾應舉妻鄭氏立

一在南門外後港乾隆二十年爲增生舒正誠妻熊氏立

- 一在螺地名賢第側乾隆四十一年爲生員舒涵妻劉氏立

一在追里都雲嶺淺潭埠乾隆四十七年爲貢生趙廷寬妻周氏立

一在南門外下路街乾隆五十二年爲儒童王萬進妻趙氏立

一在追里都港溪埠上嘉慶二年爲監生余蘭妻鄒氏立

一在萬坊橋頭上嘉慶十一年爲儒童舒鍵妻李氏立

一在南源都茶坪嘉慶十六年爲儒童劉贊璞妻李氏立

一在南門外下路街嘉慶二十年爲儒童項文林妻舒氏立

一在西門外熊家橋頭嘉慶二十一年爲監生舒斯模妻周氏立

一在夏陂都顧山嘉慶廿三年爲儒童王斯信妻涂氏立

靖安縣志

卷之二

建置

三十七

一在追里都團岡道光四年爲雷紹性妻熊氏立

一在西門外清湖橋上首道光二十二年爲儒童羅運淮妻徐氏立

一在西門外趙公腦山下道光二十四年爲監生舒展妻涂氏立

一在尖山下道光二十八年爲儒童舒采慶妻鄒氏立併建石亭一所

一在夏陂都南社道光二十八年爲儒童鄧承攸妻蕭氏立

一在盆田都水汾道光五年爲熊承泮之妻舒氏立

一在夏陂都顧山道光二十八年爲儒童陳光模妻凌氏立

一在大梓都湖田道光三十年爲項玉第妻戴氏立

一在桃源港下邊咸豐四年爲儒童舒克齊妻梅氏立

一在東江都青山同治三年爲從九余懋德妻趙氏立

節烈坊在茗岡嶺道光三年爲周秋烈妻楊氏立

靖安縣志

卷之二

建置

三十八

一在夏陂都坑里咸豐元年爲儒童徐必貴妻蕭氏立

一在夏陂都顧山同治八年爲陳光春母蕭氏妻黃氏立

殉難婦女總坊

一在西外石嘴頭咸豐九年爲塘埠殉難婦女建

一在石霞堡虎門坳同治七年爲石霞堡殉難婦女建

一在南外獅子橋頭同治八年爲閩邑殉難婦女建

一在忠夏都塘埠甕橋邊距縣西六十里同治九年本處

義烈祠衆等公建

附郵所

養濟院即明接流所在縣北錦橋之側正統七年知縣金文英翔建景泰四年縣丞盛禧增建外門周圍繞以垣成化安治間知縣劉芳張伯祥陸續增修嗣後修葺無攷今仍舊道光二十二年知縣佛爾國春重修

公產

養濟院向無公產道光二十六年奉新縣職員余光珙捐送排前下首牛槽洞下相連二號中田二畝五分每年收鄉桶租穀四石五斗

育嬰堂在北門內 上諭亭側原屋三間並無資產乾隆十

靖安縣志

卷之二

建置

三十九

四年典史崔宏道倡同邑人翔建藍田會置田四拾餘畝建倉一所在土地祠社會之左有後陸續增至陸拾柒畝壹分陸釐又地叁畝伍分貳釐共額收鄉桶租穀壹百叁拾一石玖斗貳升伍合每名給穀一石嘉慶九年邑人以溺女風息育嬰稀少呈請知縣馬廷燮詳準將藍田會田租酌量撥歸雙溪書院仍存肆拾一百玖斗貳升伍合留為育嬰之費田畝租數詳食貨志堂久傾圮遺址存

公產

育嬰堂藍田會產除撥分書院外存田一拾玖畝捌分陸釐地三畝五分貳釐仍歸捕衙經理土名開後

余家隴上田二畝一分 三樞墩上田一畝 同處汶
港裏上田二畝一分 同處巴茅窩上田一畝四分
同處廟前上田一畝七分五釐 同處圳下坵上田八
分五釐 同處鐵鋤坑上田八分 同處茅窩裏上田
陸分 塔子上上田一畝二分 三樞墩石圳下上地
七分 車下屋基後上田四分 同處樟樹下上田五
分 同處祖基後上田八分三釐 同處屋基上邊上
田一畝二分 同處水圳下上田一畝二分 干隴裏
上田八分八釐 樟樹港亭子後中地八分 郭家隴
中地六分五釐 樟樹港中地三分七釐 郭家洲中

靖安縣志

卷之二

建置

四十

地四分 冷水坑上田三分 李家嶺頭中田 分
郭家洲中地六分 張家嶺邊上田六分 坪上墩上
田六分五釐 栗樹隴上田六分 塌下裡上田六分

以上共額收鄉斛租穀四十一石九斗二升五合

育嬰堂藍田會產前志具詳累有存項歸入開款道光十九
年知縣王蘭詳借此項修 先農壇未准二十二年知縣

佛爾國春稟奉批准提修養濟院其租仍歸捕衙經理

漏澤園在南門外明洪武時知縣朱宗晦置又有義塚二所
一在石馬都鐵岡坳一在縣前文筆峯康熙三十年知縣
高克藩增置三所一在登高山一在免子壩一在洪陂堰

邊嘉慶十三年捐職州同邑人舒藹春捐置一所在南殿
小惠隴二十一年奉新縣職員岳廷賢捐置一所在會坊

山名象形直三十七弓橫一百二十八弓東至騎崙
分水爲界南至路窖石爲界西至田北至山窩

一在石馬黃土壩下山一崙直下上巳會捐

一在櫪下隴民山五畝項中沐捐

一在南外筆管隴山五分附城公捐

一在增坊堡新官山九分胡姓捐

一在忠夏都塘埠打石隴頭民山一畝合堡公捐

一在忠夏都塘埠坑子裡民山五分陳仁簡捐

靖安縣志

卷之二

建置

四十一

一在夏陂都顧山甘家園民山一畝張誦芬堂捐